

*Tsabo Lesome le
Dikabelo tsa Goitima dijo*



*“Tlisang tsothle di tsabo lesome
mo ntlong ya kantoro, . . . mme
lo nteke jaanong fa, go bua Mo-
rena wa masomosomo, go re a ga ke
kake ka lo bulela matlhaba phefo a
legodimo, mme ka le tshelela ma-
sego, ao go ka se ka keng go nne le
kamore e e tona go a a amogela.”*

Malakae 3:10

Rraetsho yo o kwa Legodimong o a go rata e bile
o batla go go segofatsa mo go sengwe le sengwe
sa botshelo jwa gago. Melao e a re e fang A re efa
ka baporofiti ba Gagwe e tlaa go thusa gore o tshela
ka boitumelo. Molao wa go duela tsa bolesome,
o o neng o buseleditswe ka
Moporofiti Joseph Smith, o go
fa tshono ya go tsaya karolo mo
go ageng bogosi jwa Modimo
mo lefatsheng. Kobamelo mo
molaong o e a tlhokega go
kolobetsa mo Kerekeng ya ga
Jeso Keresete ya Baitshepi ba Malatsi a Bofelo.

*Masego a magolo a a
solofediwa go bao ba ba
obamelang molao wa go
duela tsa bolesome.*

Tsabo Lesome Ke eng?

Tsabo lesome ke kabelo ya bongwe mo bo lesomeng
jwa matseno go Kereke ya Modimo. Molao o o sale
o itsege e sale ka dinako tsa Kgolagano e Kgologolo.
Moporofiti Malaki o rutile botlhokwa jwa tsa bo le-
some le masego a a tlang mogo obameleng molao o:

“Tlisang tsotlhe di tsabo lesome mo ntlong ya
kantoro, . . . mme lo nteke jaanong fa, go bua Morena
wa masomosomo, go re a ga ke kake ka lo bulela
matlhaba phefo a legodimo, mme ka le tshelelela

masego, ao go ka se ka keng go nne le kamore e e tona go a a amogela.” (Malaki 3:10).

Ka 1838 Morena o ne a boeletsa ka kgathelelo molao o ka Moporofiti Joseph Smith:

“Batho bame . . . ba tlaa duela bongwe mo bolesomeng jwa tsotlhe tse e leng morokotso ka ngwaga; mme se etlaa nna molao yo o tlaa nnang go bone go ya goile” (Doctrine and Covenants 119:3–4).
Morokotso go tllhalogannngwa gore ke matseno.

Tsa bolesome tsa gago di boitshepo mo Moreneng, mme o a mo Tlotla ka go duela tsa bolesome. Go duela tsa bolesome ke pontsho ya tumelo ya gago mo Modimong le mo tirong ya Gagwe.

Ke eng Ke Tshwanetse Go Ntsha Tsabo lesome?

Sengwe le sengwe seo se leng molemo mo botshe-long jwa gago ke mpho e e tswang go Rara wa gago wa Legodimo. Fa o ntsha diperesente tse 10 go Ene mo matsenong, o bontsha lorato lwa gago, tumelo, le malebogo. O bontsha Modimo gore o tlaa Mo sala morago le tota fa go kanna bokete; o Mmontsha gore o tlaa ikaega mo go Ene gona le go tshepa mo mading kgotsa mo dilong tsa didirisiwa. Ka boikanyego jwa gago, Rraetsho yo o kwa Legodimong o solofetsa





masego ao a leng magolo thata gona le sepe seo o se fang.

Lentswa batho bangwe ba na le mathata le go dumela gore ba ka kgona go ntsha bongwe mo lesomeng la matseno a bone, baduedi ba tsa bolesome ba ba boikanyego ba ithutile gore ga ba kake ba kgona go sa dueleng tsa bolesome. Mo go leng ka tsela ya nnete ruri e bile

e gakgamatsa, matlhaba phefo a legodimo a bulega, mme masego a tshellegela go bone. Jaaka moswagadi mongwe a kile a tlhalosa go morwaagwe, “Ga ke kake ka lo [godisa lona bana] kwantle ga masego a Morena, mme Ke bona masego ao ka go duela tsa bolesome ka bonnete. Fa ke duela tsa bolesome jwame, Ke nna le tsholofetso ya Morena gore o tlaa re segofatsa, mme re tshwanetse go nna le masego ao fa ele gore re tlhokana le go fitlhelela” (Dallin H. Oaks, *Ensign*, Motsheganong 1994, 33).

Nonofa ya semowa e tla go tsweng mo go ikaengeng mo Moreneng. Jaaka fa re itebaganya le diteko tsa botshelo, re tlhoka tumelo eo e oketsegileng, tlhotlhetso, le bopelokgale. masego a ka tshellegela

*Go duela tsa bolesome
go supa tumelo mo go
Jeso Keresete. Jaaka
fa o ikaega go Ene, o
tla amogela nonofa,
kaelo, le thotloetso eo e
tlhokang mo botshelong
jwa gago.*



go tsweng mo matlhaba phefong a legodimo ele
madio a go obamela molao wa tsa bolesome.

Mogodimo ga moo, batho ka bontsi ba fitlhela gore
ka gore ba boikanyego mo go dueleng tsa bolesome
ba kgona go tshegetsa tsa madi a bone sentle mme
ba itepatepanye le matlhoko a bone. Go duela di tsa
bolesome go re ruta gore re iphape mo dikeletsong tsa
dilo tsa didirisiwa le go nna nnete le batho ka rona.
Re ithuta go tshepa gore seo re se filweng, ka masego a
Morena le ka maiteko a rona a tlhagafalo, go siametse
ditlhoko tsa rona.

Go sa kgathalesege matseno a gago, o tlaa segofadiwa
jaaka fa o duela tsa bolesome. E rile Jeso a bona
mosadi a baya dithebe tsa gagwe tse di mokawana
fa letloleng la tempele, O ne a bolelela barutwana
ba Gagwe gore, “Motlholagadi wa mohumanegi yo
o file mo go ntsi, go na le botlhe bao ba ba fileng
mo letloleng: go nne botlhe bao ba ne ba a fa ka
dikhumokhumo tsa bone; mme ene . . . o ntshitse
gotlhe mo a neng a na le gone” (Mareko 12:43–44).

Madi a Tsa bolesome A Dirisiwa Jang?

Tsa bolesome ke molao wa Morena wa tsa madi mo Kerekeng ya Gagwe. Dikabelo tsa bolesome ka metlha di dirisiwa mo maikemisetsong a Morena, ao a a senolang ka khansele ya batlhanka ba Gagwe. Dingwe tsa di tiro tse ke:

- Go aga lego baakanya ditempele, dichapele, le dikago tse dingwe tsa Kereke.
- Go rotloetsa metshameko le ditirwa tsa Kereke ya phuthego ya selegae
- Go rotloetsa mananeo a Kereke, go balelwa thuto le ditso tsa tshenko ka lelwapa.

Tsa bolesome di duelwa ka sephiri, mme tlhaeletsanyo ka ga dikabelo e bewa ka tlwaafalo ka manontlhotlho.



Dikabelo tsa Goitima dijo le Goitima dijo

Mogodimo ga go duela tsa bolesome, re laolwa go fa dithoto tsa rona go thusa bahumanegi le batlhoki. Tsela e nngwe ya go dira jalo ke ka go itima dijo le go nna o sa je dijo le dino mo difitlholong tse pedi tse di latelanang. Morena o buseleditse molawana wa go itima dijo ka Moporofiti Joseph Smith, le Kereke e beile Sontaga o mongwe mo kgwedding ele letsatsi leo go itimiwang dijo ka lone. Go itima dijo, moo go nnileng sesupegetso go kereke ya boammaaruri, ke tshono ya ntshafatso ya semowa le go golela gaufi le Rara wa rona wa Legodimo.

Jaaka ele karolo ya goitima dijo, maloko a Kereke a ntsha mo go nametsang ele kabelo ya goitima dijo go tlhokomela bahumanegi le batlhoki. Dikabelo tse di tshwanetse gore ebe di feta tlhwatlhwa ya difitlholo tse pedi tsa leloko la Kereke le nnileng le sena natso ka sebaka sa go itima dijo. Madi a a dirisiwa go fa dijo, boroko, le matlhokego a mangwe go batho ba ba tlhokang, botlhe ba selegae le ka lefatshe ka bophara.

Ga go na le sekaelo sa madi a a rileng a dikabelo mo dikabelong tsa go itima dijo. Jaaka fa o ntsha ka mogo nametsang mo ka madi a, o tlaa segofadiwa gotlhe ka semowa le ka senama mo dikeletsong tsa gago tsa go thusa ba bangwe.





GOITHUTA GA TLALELETSO

Dipotso tse di latelang le Mafoko a tla a go thusa go ithuta thata ka ga melawana mo bukaneng e. Dintlha tse di kwa tlase le referense ya sefapaano mo Mafokong di tla a go supegetsa metswedi ya tlaleletso ya metsamao.

Ke eng tsa bolesome ele botlhokwa?

Leviticus 27:30 (Baebele, Kgolagano e Kgologolo)

Luka 12:16–21 (Baebele, Kgolagano e Ntsha)

Ke afe masego ao a tlang mo go dueleng tsa bolesome?

Malaki 3:8–12 (Baebele, Kgolagano e Kgologolo; bona gape 3 Nifae 24:8–12, Buka ya ga Momone, tsebe 551)

Mathaeo 6:31–33 (Baebele, Kgolagano e Ntsha; bona gape 3 Nifae 13:31–33, Buka ya ga Momone, tsebe 528)

“Tsabo Lesome,” *True to the Faith* (Baanamisa efangele kgotsa leloko la Kereke baka go thusa go bona kgatiso ya bukana e. O ka di bona gape mo phefong kwa www.mormon.org.)

Ke ka thusa jang bahumanegi le batlhoki?

Isaiah 58:6–7 (Baebele, Kgolagano e Kgologolo)

Mathaeo 19:21 (Baebele, Kgolagano e Ntsha)

Mosaeya 4:26 (Buka ya ga Momone, tsebe 175)

Ke ka dira eng?

- Tswelela kago bala *Buka ya ga Mmomone*.

Padi e e Akanyeditsweng: _____

- Simolola kago duela tsabo lesome ka botlalo. Rapelela thuso mo go tshegetseng molao o.

- Tsena kereke Sontaga o.

- Tswelela go ipaakanyetsa gokolobetswa.

Letsatsi la kolobetsa: _____

- Etela www.mormon.org gore oithute thata ka ga efangele ya Puseletso ya ga Jeso Keresete.

- Tswelela kago kopana le baanamisa efangele gore oithute thata ka ga boammaaruri jo Modimo a bo buseleditseng ka baporofiti ba malatsi a segompieno.

Bokopano jo bolatelang: _____

Maina a mo anamisa efangele lenomere ya mogala:



KEREKE YA GA
JESU KERESETE
YA BAITSHEPI
BA MALATSI A BOFELO

www.mormon.org

Malebo go Batshwantshi

Tsebe ya Ntsha, Mo go tseleletseng gotsweng *Christ and the Rich Young Ruler*, ka Heinrich Hofmann, Courtesy C. Harrison Conroy Co., Inc.
Tsebe 8, Mo go tseleletseng gotsweng *All That She Had*, ka Simon Dewey. © Simon Dewey

© 2007 by Intellectual Reserve, Inc. All rights reserved. Egatisitse mo USA. Tetla ya Segowa: 2/06.
Tetla ya go ranola: 2/06 Thanolo ya *Tithing and Fast Offerings*. Tswana. 01199 763

SETSWANA



4 0201199763 6

01199 763